

金光明最勝王經卷第十

場十

唐三藏法師義淨奉制譯

捨身品第二十六

爾時世尊已爲大衆說此十千天子往昔因緣復告菩提樹神及諸大衆我於過去行菩薩道非但施水及食濟彼魚命乃至亦捨所^{場十}愛之身如是因緣可共觀察爾時如來應正等覺天上天下最勝最尊百千光明照十方界具一切智功德圓滿將諸苾芻及於大衆至般遮羅聚落詣一林中其地平正無諸荆

棘名華軟草徧布其處佛告具壽阿難陀汝可於此樹下爲我敷座時阿難陀受教敷已白言世尊其座敷訖唯聖知時爾時世尊即於座上跏趺而坐端身正念告諸苾芻汝等樂欲見彼往昔苦行菩薩本舍利不諸苾芻言我等樂見世尊即以百福莊嚴相好之手而按其地于時大地六種震動即便開裂七寶制度忽然涌出衆寶羅網莊嚴其上大衆見已生希有心爾時世尊即從座起作禮右遶還就本座告阿難陀汝可開此制度之戶

時阿難陀即開其戶見七寶函奇珍間飾白言世尊有七寶函衆寶莊校佛言汝可開函時阿難陀奉教開已見有舍利白如珂雪拘物頭華即白佛言函有舍利色妙異常佛言阿難陀汝可持此大士骨來時阿難陀即取其骨奉授世尊世尊受已告諸苾芻汝等應觀苦行菩薩遺身舍利而說頌曰

菩薩勝德相應慧 勇猛精勤六度圓
常修不息爲菩提 大捨堅固心無倦
汝等苾芻咸應禮敬菩薩本身此之舍利乃

是無量戒定慧香之所薰馥最上福田極難逢遇時諸苾芻及諸大衆咸皆至心合掌恭敬頂禮舍利歎未曾有時阿難陀前禮佛足白言世尊如來大師出過一切爲諸有情之所恭敬何因緣故禮此身骨佛告阿難陀我因此骨速得無上正等菩提爲報往恩我今致禮復告阿難陀吾今爲汝及諸大衆斷除疑惑說是舍利往昔因緣汝等善恩當一心聽阿難陀曰我等樂聞願爲開闡阿難陀過去世時有一國王名曰大車巨富多財庫藏

盈滿軍兵武勇衆所欽伏常以正法施化黠
黎人民穢盛無有怨敵國太夫人誕生三子
顏容端正人所樂觀太子名曰摩訶波羅次
子名曰摩訶提婆幼子名曰摩訶薩埵是時
大王爲欲遊觀縱賞山林其三王子亦皆隨
從爲求華果捨父周旋至大竹林於中憩息
第一王子作如是言我於今日心甚驚惶於
此林中將無猛獸損害於我第二王子復作
是言我於自身初無惜恐於所愛有別離
苦第三王子白二兄曰

此是神仙所居處 我無恐怖別離憂
身心充徧生歡喜 當獲殊勝諸功德
時諸王子各說本心所念之事次復前行見
有一虎產生七子纔經七日諸子圍竚飢渴
所逼身形羸瘦將死不久第一王子作如是
言哀哉此虎產來七日七子圍竚無暇求食
飢渴所逼必還啖子薩埵王子問言此虎每
常所食何物第一王子答曰
虎豹豺師子 唯啖熱血肉 更無餘飲食
可濟此虎羸

第二王子聞此語已作如是言此虎羸瘦飢渴所逼餘命無幾我等何能爲求如是難得飲食誰復爲斯自捨身命濟其飢苦第一王子言一切難捨無過己身薩埵王子言我等今者於自己身各生愛戀復無智慧不能於他而興利益然有上士懷大悲心常爲利他忘身濟物復作是念我今此身於百千生虛棄爛壞曾無所益云何今日而不能捨以濟飢苦如捐湊唾時諸王子作是議已各起慈心悽傷愍念共觀羸虎目不暫移徘徊久之

俱捨而去爾時薩埵王子便作是念我捨身命令正是時何以故

我從久來持此身臭穢膿流不可愛供給敷具并衣食象馬車乘及珍財變壞之法體無常恒求難滿難保守

雖常供養懷怨害終歸棄我不知恩復次此身不堅於我無益可畏如賊不淨如糞我於今日當使此身修廣大業於生死海作大舟航棄捨輪迴令得出離復作是念若捨此身則捨無量癰疽惡疾百千怖畏是身

唯有大小便利不堅如泡諸蟲所集血脉筋
骨共相連持甚可厭患是故我今應當棄捨
以求無上究竟涅槃永離憂患無常苦惱生
死休息斷諸塵累以定慧力圓滿熏修百福
莊嚴成一切智諸佛所讚微妙法身既證得
第十一
已施諸衆生無量法樂是時王子興大勇猛
發弘誓願以大悲念增益其心慮彼二兄情
懷怖懼共爲留難不果所祈即使白言二兄
前去我且於後爾時王子摩訶薩埵還入林
中至其虎所脫去衣服置於竹上作是誓言

我爲法界諸衆生志求無上菩提處
起大悲心不傾動當捨凡夫所愛身
菩提無患無熱惱諸有智者之所樂
三界苦海諸衆生我今拔濟令安樂

是時王子作是言已於餓虎前委身而卧由
此菩薩慈悲威勢虎無能爲菩薩見已即上
高山投身于地復作是念虎今羸瘠不能食
我即起求刀竟不能得即以乾竹刺頸出血
漸近虎邊是時天地六種震動如風激水涌
沒不安日無精明如羅睺障諸方暗蔽無復

光暉天雨名華及妙香末續紛亂墜徧滿林
中爾時虛空有諸天衆見是事已生隨喜心
歎未曾有咸共讚言善哉大士即說頌曰

大士救護運悲心 等視衆生如一子
勇猛歡喜情無惱 捨身濟苦福難思

定至真常勝妙處 永離生死諸縛
不火當獲菩提果 寂靜安樂證無生
是時餓虎既見菩薩頸下血流即便舐血噉
肉皆盡唯留餘骨爾時第一王子見地動已
告其弟曰

大地山河皆震動 諸方暗蔽日無光
天華亂墜徧空中 定是我弟捨身相

第二王子聞兄語已說伽陀曰

我聞薩埵慈悲語 見彼餓虎身羸瘦
飢苦所纏恐食子 我今疑弟捨其身

時二王子生大愁苦啼泣悲歎即共相隨還
至虎所見弟衣服在竹枝上骸骨及髮在處
縱橫流血成泥霤汙其地見已悶絕不能自
持投身骨上久乃得甦即起舉手哀號大哭
俱時歎曰

我弟貌端嚴

父母偏愛念 云何俱共出

捨身而不歸

父母若問時 我等如何答

寧可同捐命

豈得自存身

時二王子悲泣懊惱漸捨而去時小王子所

將侍從互相謂曰王子何在宜共推求爾時

國太夫人寢高樓上便於夢中見不祥相被

割兩乳牙齒墮落得三鵠鱉一爲鷹奪二被

驚怖地動之時夫人遂覺心大愁惱作如是

言

何故今時大地動 江河林樹皆搖震

日無精光如覆蔽 目睭乳動異常時
如箭射心更苦逼 遍身戰掉不安隱
我之所夢不祥徵 必有非常災變事
夫人兩乳忽然流出念此必有變怪之事時
有侍女聞外人言求覓王子今猶未得心大
驚怖即入宮中白夫人曰大家知不外聞諸
人散覓王子徧求不得時彼夫人聞是說已
生大憂惱悲淚盈目至大王所白言大王我
聞外人作如是語失我最小所愛之子王聞
語已驚惶失所悲哽而言苦哉今日失我愛

子即便拭淚慰喻夫人告言賢首汝勿憂感
吾令共出求覓愛子王與大臣及諸人衆即
共出城各各分散隨處求覓未久之頃有一
大臣前白王曰聞王子在願勿憂愁其最小
者今猶未見王聞是語悲歎而言苦哉苦哉

次第二臣來至王所王問臣曰愛子何在第
二大臣懊惱啼泣喉舌乾燥口不能言竟無
所答夫人問曰

速報小子今何在 我身熱惱竊燒然
悶亂荒迷失本心 勿使我骨令破裂

初有子時歡喜少 後失子時憂苦多
若使我兒重壽命 縱我身亡不爲苦
夫人聞已憂惄纏懷如被箭中而嗟歎曰
我之三子并侍從 俱往林中共遊賞

時第二臣即以王子捨身之事具白王知王
及夫人聞其事已不勝悲噎望捨身處驟駕
前行詣竹林所至彼菩薩捨身之地見其骸
骨隨處交橫俱時投地悶絕將死猶如猛風

吹倒大樹心迷失緒都無所知時大臣等以
水偏灑王及夫人良久乃甦舉手而哭咨嗟
歎曰

禍哉愛子端嚴相 因何死苦先來逼
若我得在汝前亡 売見如斯大苦事
爾時夫人迷悶稍止頭髮蓬亂兩手趙胷宛
轉于地如魚處陸若生失子悲泣而言
我子誰屠割 餘骨散于地 失我所愛子
憂悲不自勝 苦哉誰殺子 致斯憂惱事
我心非金剛 云何而不破 我夢中所見

兩乳皆被割 牙齒悉墮落 今遭大苦痛
又夢三鷁鵠 一被鷁擒去 今失所愛子
慈相表非虛

爾時大王及於夫人并二王子盡哀號哭瓊
珞不御與諸人衆共收菩薩遺身舍利爲於
供養置窣堵波中阿難陀汝等應知此即是
彼菩薩舍利復告阿難陀我於昔時雖具煩
惱貪瞋癡等能於地獄餓鬼旁生五趣之中
隨緣救濟令得出離何況今時煩惱都盡無
復餘習號天人師具一切智而不能爲一一

衆生經於多劫在地獄中及於餘處代受衆苦令出生死煩惱輪迴爾時世尊欲重宣此義而說頌言

我念過去世 無量無數劫 或時作國王
或復爲王子 常行於大施 及捨所愛身
願出離生死 第十一 至妙菩提處 第八 普時有大國
國主名大車 王子名勇猛 常施心無恪
王子有二兄 號大渠大天 三人同出遊
漸至山林所 見虎飢所逼 便生如是心
此虎飢火燒 更無餘可食 大士覩如斯

恐其將食子 捨身無所顧 救子不令傷
大地及諸山 一時皆震動 江海皆騰躍
驚波水逆流 天地失光明 昏冥無所見
林野諸禽獸 飛奔喪所依 二兄怪不還
憂感生悲苦 即與諸侍從 林藪徧尋求
兄弟共籌議 復往深山處 四顧無所有
見虎處空林 其母并七子 林藪徧尋求
殘骨并餘髮 縱橫在地中 口皆有血汙
散在竹林所 二兄既見已 復見有流血
悶絕俱躰地 荒迷不覺知 塵土坌其身

六情皆失念 王子諸侍從
以水灑令甦 舉手號咷哭
慈母在宮內 五百諸妹女
夫人之兩乳 忽然自流出
苦痛不能安 欲生失子想
第十一
即白大王知 陳斯苦惱事
哀聲向王說 大王令當知
兩乳忽流出 禁止不應心
煩惱胃欲破 我先夢惡徵
願王濟我命 知兒存與亡
夢見三鵠鶴

小者是愛子
我今沒憂海
願為遠求覓
我令意不安
舉身而躡地
悲泣不堪忍
嫁女見夫人
憂惶失所依
因命諸羣臣
隨處而追覓
尋求所愛子
皆共出城外
王子令何在
誰知所去處
云何令得見

解我憂惱心 諸人悉共傳 咨言王子死
聞者皆傷悼 悲歎苦難裁 爾時大車王
悲號從座起 即就夫人處 以水灑其身
夫人蒙水灑 久乃得醒悟 悲啼以問王
我兒今在不 王告夫人曰 我已使諸人
四向求王子 尚未有消息 王又告夫人
汝莫生煩惱 且當自安慰 可共出追尋
王即與夫人 嚴駕而前進 號慟聲悽感
憂心若火然 士庶百千萬 亦隨王出城
各欲求王子 悲號聲不絕 王求愛子故

目視於四方 見有一人來 被髮身塗血
徧體蒙塵土 悲哭遂前來 王見是惡相
倍復生憂惱 王便舉兩手 哀號不自裁
初有一大臣 忽忙至王所 進白大王曰
幸願勿悲哀 王之所愛子 今雖求未獲
第十一
不久當來至 以釋大王憂 王復更前行
見次大臣至 其臣詣王所 流淚白王言
二子今現存 被憂火所逼 其第三王子
已被無常吞 見餓虎初生 將欲食其子
彼薩埵王子 見此起悲心 願求無上道

當度一切衆繫想妙菩提
即上高山頂投身餓虎前虎羸不能食
以竹自傷頸遂斂王子身唯有餘骸骨
時王及夫人聞已俱悶絕心沒於憂海
煩惱火燒然臣以栴檀水灑王及夫人
俱起大悲號舉手搘脣臆第三大臣來
白王如是語我見二王子悶絕在林中
臣以冷水灑爾乃暫甦息顧視於四方
如猛火周徧暫起而還伏悲號不自勝
舉手以哀言稱歎弟希有王聞如是說

倍增憂火煎夫人大號咷高聲作是語
我之小子偏鍾愛已爲無常羅刹吞
餘有二子今現存復被憂火所燒逼
我今速可至山下安慰令其保餘命
即便馳駕望前路一心詣彼捨身崖
路逢二子行啼泣搘脣懊惱失容儀
第十一父母見已抱憂悲俱往山林捨身處
既至菩薩捨身地共聚悲號生大苦
脫去瓔珞盡哀心收取菩薩身餘骨
與諸人衆同供養共造七寶窣堵波

以彼舍利置函中 整駕懷憂趣城邑

復告阿難陀 往時薩埵者 即我牟尼是

勿生於異念 王是父淨飯 后是母摩耶

太子謂慈氏 次曼殊室利 虎是大世主

五兒五苾芻 一是大目連 一是舍利子

我爲汝等說 往昔利他緣 如是菩薩行

成佛因當學 菩薩捨身時 發如是弘誓

願我身餘骨 來世益衆生 此是捨身處

七寶窣堵波 以經無量時 遂沉於厚地

由昔本願力 隨緣興濟度 爲利於人天

從地而涌出

爾時世尊說是往昔因緣之時無量阿僧企
耶人天大衆皆大悲喜歎未曾有悉發阿耨
多羅三藐三菩提心復告樹神我爲報恩故
致禮敬佛攝神力其窣堵波還沒于地

十方菩薩讚歎品第二十七

爾時釋迦牟尼如來說是經時於十方世界
有無量百千萬億諸菩薩衆各從本土詣鷲
峯山至世尊所五輪著地禮世尊已一心合
掌異口同音而讚歎曰

佛身微妙真金色
清淨柔軟若蓮華
三十二相徧莊嚴
光明炳著無與等
其聲清徹甚微妙
八種微妙應羣機
百福妙相以嚴容
智慧澄明如大海
圓光徧滿十方界
煩惱愛染集皆除

其光普照等金山
無量妙彩而嚴飾
八十種好皆圓備
離垢猶如淨滿月
如師子吼震雷音
超勝迦陵頻伽等
光明具足淨無垢
功德廣大若虛空
隨緣普濟諸有情
法炬恒然不休息

哀愍利益諸衆生
常爲宣說第一義
佛說甘露殊勝法
引入甘露涅槃城
常於生死大海中
令彼能住安隱路
如來德海甚深廣
於衆常起大悲心
如來智海無邊際
假使千萬億劫中

現在未來能與樂
令證涅槃真寂靜
能與甘露微妙義
令受甘露無爲樂
解脫一切衆生苦
恒與難思如意樂
非諸譬喻所能知
方便精勤恒不息
一切人天共測量
不能得知其少分

我今略讚佛功德 於德海中唯一滴
迴斯福聚施羣生 皆願速證菩提果
爾時世尊告諸菩薩言善哉善哉汝等善能如是讚佛功德利益有情廣興佛事能滅諸罪生無量福

妙幢菩薩讚歎品第二十八

第十一

十三

爾時妙幢菩薩即從座起偏袒右肩右膝著地合掌向佛而說讚曰
牟尼百福相圓滿 無量功德以嚴身
廣大清淨人樂觀 猶如千日光明照

焰彩無邊光燭虛空 如妙寶聚相端嚴
如日初出映虛空 紅白分明間金色
亦如金山光普照 悉能周徧百千土
能滅衆生無量苦 皆與無邊勝妙樂
諸相具足悉嚴淨 衆生樂覩無厭足
頭髮柔軟绀青色 猶如黑蜂集妙華
大喜大捨淨莊嚴 大慈大悲皆具足
衆妙相好爲嚴飾 善提分法之所成
如來能施衆福利 令彼常獲大安樂
種種妙德共莊嚴 光明普照千萬土

如來光明極圓滿

猶如赫日徧空中

佛如須彌功德具

示現能周於十方

如來金口妙端嚴

齒白齊容如珂雪

如來面貌無倫匹

眉間毫相常右旋

光潤鮮白等波瑠

猶如滿月居空界

佛告妙幢菩薩汝能如是讚佛功德不可思

議利益一切令未知者隨順修學

菩提樹神讚歎品第二十九

爾時菩提樹神亦以伽陀讚世尊曰

敬禮如來清淨慧 敬禮常求正法慧

敬禮能離非法慧

敬禮恒無分別慧

希有世尊無邊行

希有難見比優曇

希有如海鎮山王

希有善逝光無量

希有調御弘慈願

希有釋種明逾日

能說如是經中寶

哀愍利益諸羣生

牟尼寂靜諸根定

能入寂靜涅槃城

能住寂靜等持門

能知寂靜深境界

兩足中尊住空寂

聲聞弟子身亦空

一切法體性皆無

一切衆生悉空寂

我常憶念於諸佛

我常樂見諸世尊

我常發起殷重心
我常頂禮於世尊
悲泣流淚情無間
唯願世尊起悲心
佛及聲聞衆清淨
佛身本淨若虛空
願說涅槃甘露法
世尊所有淨境界
聲聞獨覺非所量
唯願如來哀愍我
常得值遇如來日
願常渴仰心不捨
常得奉事不知厭
和顏常得令我見
願常普濟於人天
亦如幻焰及水月
能生一切功德聚
慈悲正行不思議
大仙菩薩不能測
常令覩見大悲身

三業無倦奉慈尊
爾時世尊聞是讚已以梵音聲告樹神曰善哉善哉善女人汝能於我真實無妄清淨法身自利利他宣揚妙相以此功德令汝速證最上菩提一切有情同所修習若得聞者皆入甘露無生法門

廿十

廿五

大辯才天女讚歎品第三十

大辯才天女讚歎品第三十
爾時大辯才天女即從座起合掌恭敬以直言辭讚世尊曰

南謨釋迦牟尼如來應正等覺身真金色咽

如螺貝面如滿月目類青蓮脣口赤好如玻
瓈色鼻高脩直如截金鋌齒白齊密如拘物
頭華身光普照如百千日光彩映徹如贍部
金所有言辭皆無謬失示三解脫門開三善
提路心常清淨意樂亦然佛所住處及所行

境亦常清淨離非威儀進止無謬六年苦行

三轉法輪度苦衆生令歸彼岸身相圓滿如
狗陀樹六度熏修三業無失具一切智自他
利滿所有宣說常爲衆生言不虛設於釋種
中爲大師子堅固勇猛具八解脫我今隨力

稱讚如來少分功德猶如蚊子飲大海水願
以此福廣及有情永離生死成無上道爾時
世尊告大辯才天曰善哉善哉汝久修習具
大辯才今復於我廣陳讚歎令汝速證無上
法門相好圓明普利一切

付囑品第三十一

爾時世尊普告無量菩薩及諸人天一切大
衆汝等當知我於無量無數大劫勤修苦行
獲甚深法菩提正因已爲汝說汝等誰能發
勇猛心恭敬守護我涅槃後於此法門廣宣

流布能令正法久住世間爾時衆中有六十俱胝諸大菩薩六十俱胝諸天大眾異口同音作如是語世尊我等咸有欣樂之心於佛世尊無量大劫勤修苦行所獲甚深微妙之法菩提正因恭敬護持不惜身命佛涅槃後第十一於此法門廣宣流布當令正法久住世間爾時諸大菩薩即於佛前說伽陀曰

世尊真實語 安住於實法 由彼真實故
護持於此經 大悲爲甲冑 安住於大慈
由彼慈悲力 護持於此經 福資糧圓滿

生起智資糧 由資糧滿故 護持於此經
降伏一切魔 破滅諸邪論 斷除惡見故
護持於此經 護世并釋梵 乃至阿蘇羅
龍神藥叉等 護持於此經 地上及虛空
久住於斯者 奉持佛教故 護持於此經
四梵住相應 四聖諦嚴飾 降伏四魔故
護持於此經 虛空成質礙 質礙成虛空
諸佛所護持 無能傾動者
爾時四大天王聞佛說此護持妙法各生隨喜護正法心一時同聲說伽陀曰

我今於此經 及男女眷屬 皆一心擁護

令得廣流通 若有持經者 能作菩提因
我常於四方 擁護而承事

爾時天帝釋合掌恭敬說伽陀曰

諸佛證此法 爲欲報恩故 饒益菩薩衆

出世演斯經 第十一 我於彼諸佛 報恩常供養

護持如是經 及以持經者

爾時覩史多天子合掌恭敬說伽陀曰

爾時覩史多天子合掌恭敬說伽陀曰
佛說如是經 若有能持者 當住菩提位

來生覩史天 世尊我慶悅 捨天殊勝報

住於瞻部洲 宣揚是經典

爾時索訶世界主梵天王合掌恭敬說伽陀
曰

諸靜慮無量 諸乘及解脫 皆從此經出

是故演斯經 若說是經處 我捨梵天樂

爲聽如是經 亦常爲擁護

爾時魔王子名曰商主合掌恭敬說伽陀曰

若有受持此 正義相應經 不隨魔所行
淨除魔惡業 我等於此經 亦當勤守護

發大精進意 隨處廣流通

爾時魔王合掌恭敬說伽陀曰

若有持此經

能伏諸煩惱

如是衆生類

擁護令安樂

若有說是經

諸魔不得便

由佛威神力

我當擁護彼

爾時妙吉祥天子亦於佛前說伽陀曰

諸佛妙菩提

於此經中說

若持此經者

是供養如來

我當持此經

爲俱胝天說

恭敬聽聞者

勸至菩提處

爾時慈氏菩薩合掌恭敬說伽陀曰

若見住菩提

與爲不請友

乃至捨身命

爲護此經王

我聞如是法

當往覩史天

由世尊加護

廣爲人天說

爾時上座大迦葉波合掌恭敬說伽陀曰

佛於聲聞乘

說我鮮智慧

我今隨自力

護持如是經

若有持此經

我當攝受彼

授其辭辯力

常隨讚善哉

爾時具壽阿難陀合掌向佛說伽陀曰

我親從佛聞

無量衆經典

未曾聞如是

深妙法中王

我今聞是經

親於佛前受

諸樂菩提者

當爲廣宣通

爾時世尊見諸菩薩人天大衆各各發心於此經典流通擁護勸進菩薩廣利衆生讚言善哉善哉汝等能於如是微妙經王虔誠流布乃至於我般涅槃後不令散滅即是無上菩提正因所獲功德於恒沙劫說不能盡若有苾芻苾芻尼鄒波索迦鄒波斯迦及餘善男子善女人等供養恭敬書寫流通爲人解說所獲功德亦復如是是故汝等應勤修習爾時無量無邊恒沙大衆聞佛說已皆大歡喜信受奉行

金光明最勝王經卷第十

音釋

四

十一

永樂北藏

金光明最勝王經

第三五册

切 拭 嘘 乌
也 窒 結 切 氣聚
刀 切 窒 窒 不通也 馬 疾也 切 號 啼
哭也 啼 啼 許勿切 慢 忽冒也 切 胡
欸 慢 慢 級也 慢 驚 莫也 徒 胡刀